



Republika e Kosovës
Republika Kosova – Republic of Kosovo
ORGANI SHQYRTUES I PROKURIMIT
TELO ZA RAZMATRANJE NABAVKE
PROCUREMENT REVIEW BODY



Organi Shqyrtues i Prokurimit (OSHP) – Rruga Migjeni (ish Banka e Ljublanës), Kati V-të, Prishtinë, Kosovë
Tel: 383 38 312 309 email: oshp@rks-gov.net

OSHP: 2023/0779
Data e Vendimit: 25.10.2023

Në bazë të nenit 105 pika 1 dhe 2 të Ligjit për Prokurim Publik të Kosovës nr. 04/L-042, i plotësuar dhe ndryshuar me Ligjin 04/L-237, i plotësuar dhe ndryshuar me Ligjin 05/L-068, i plotësuar dhe ndryshuar me Ligjin 05/L-092, pas shqyrtimit të ankesës së Operatorit ekonomik (OE) " HIDRO " SH.P.K., lidhur me aktivitetin e prokurimit "Furnizim me pjesë rezerve për autobusë IVECO" me numër të prokurimit TU-23-10152-1-1-1, inicuar nga autoriteti kontraktues (AK) – N.P.K. " TRAFIKU URBAN " SH.A., Kryetarja e Organit Shqyrtues të Prokurimit Vjosa Gradinaj Mexhuani me 25/10/2023, mori këtë:

Vendim

Hedhet si e palejuar, ankesa e "HIDRO" SH.P.K., me nr. të protokollit 2023/0779, e datës 10/10/2023, ankesë kjo e parashtruar për aktivitetin e prokurimit "Furnizim me pjesë rezerve për autobusë IVECO." me numër të prokurimit TU-23-10152-1-1-1, inicuar nga autoriteti kontraktues (AK) – N.P.K. " TRAFIKU URBAN " SH.A.

I lejohet, autoritetit kontraktues – N.P.K. " TRAFIKU URBAN " SH.A. që të vazhdojë më tutje me aktivitetin e prokurimit "Furnizim me pjesë rezerve për autobusë IVECO.", me numër të prokurimit TU-23-10152-1-1-1, përkitazi me këtë ankesë, nëse nuk ka ndonjë ankesë tjetër për këtë aktivitet të prokurimit.

Arsyetim

- Faktet dhe rrethanat procedurale –

Organi Shqyrtues i Prokurimit në sistemin elektronik e-prokurimi me datë 10/10/2023, tek rubrika e ankesave ka pranuar një ankesë nga OE " HIDRO " SH.P.K, për aktivitetin e prokurimit me "Furnizim me pjesë rezerve për autobusë IVECO." me numër të prokurimit TU-23-10152-1-1-1, iniciuar nga N.P.K. " TRAFIKU URBAN " SH.A., në cilësinë e autoritetit kontraktues.

Zyra e pranimit të ankesave pas pranimit të ankesës, gjatë verifikimit nëse ankesa është dorëzuar sipas rregullave dhe dispozitave ligjore, ka konstatuar se ankuesi për ankesën në fjalë, nuk ka ofruar dëshminë siç kërkohet me pikën 10 paragrafi 1 të nenit 111 të LPP-së.

Nisur nga fakti se ankuesi ankesës së lartcekur, nuk i ka bashkangjitur konfirmimin e bankës për tarifën, zyra për pranimin e ankesave me datën 12.10.2023 përmes email-it e ka njoftuar OE ankues se ankesës së cekur si më lart nuk i ka bashkangjitur formularin për sigurim të depozitës të Ankesës, ta plotësoj ankesën sipas nenit 111 të LPP në të kundërtën hedhet si e palejuar ankesa. Por, edhe përkundër këtij njoftimi dhe sqarimi të OSHP-së deri me datën 25.10.2023 OE ankues nuk ka kompletuar ankesën sipas kërkesës së institucionit.

Nga provat e prezantuara vlerësohet se ankesa e parashtruar nga OE "HIDRO" SH.P.K., e datës 10/10/2023 (protokoll 779/2023), për aktivitetin e prokurimit me titull me "Furnizim me pjesë rezerve për autobusë IVECO." me numër të prokurimit TU-23-10152-1-1-1, iniciuar nga AK N.P.K. " TRAFIKU URBAN " SH.A., konsiderohet si e pa kompletuar sepse ankuesi nuk ka deponuar tarifën e sigurimit të ankesës së tij siç kërkohet në pikën 10 paragrafi 1 të nenit 111 të LPP-së lidhur me nenin 118 të LPP-së.

Andaj procedura e shqyrtimit të kësaj ankese përfundon në këtë fazë duke e hedhur të njëjtën si jo e plotë ngase kjo ankesë nuk plotëson kushtet për tu proceduar më tutje siç kërkohet dispozitat ligjore të lartcekura.

AK-N.P.K. "TRAFIKU URBAN" SH.A. mund që të vazhdojë më tutje me aktivitetin e prokurimit "Furnizim me pjesë rezerve për autobusë IVECO.", me numër të prokurimit TU-23-10152-1-1-1, përkritazi me këtë ankesë, nëse nuk ka ndonjë ankesë tjetër për këtë aktivitet të prokurimit. Megjithatë, OSHP gjithnjë niset nga rregullat, zgjidhjet dhe parimet e LPP sipas të cilit secili AK ushtron pavarësinë e tij/sajë në kuptim të nenit 8 dhe 9 lidhur me planifikimin e prokurimit dhe parashikimin e nevojave, mirëpo kriteret e parapara gjithnjë duhet ta garantojnë barazinë e OE të cilët parashihen si të tillë edhe me DT e cila në kuptim të nenit 27, lidhur me nenin 28, përbën dokumentin kyç të prokurimit publik. Prandaj në kuptim të nenit Neni 51 (Njoftimi i Kriterëve të Përzgjedhjes) të LPP, sipas të cilit të gjithë kriteret e përzgjedhjes duhet të kufizohen *vetëm në kriteret e nevojshme* për të siguruar se vetëm operatorët ekonomik që posedojnë aftësitë e nevojshme profesionale, financiare dhe teknike për ti përmbushur kushtet e kontratës përkatëse do të konsiderohen të kualifikuar për të marrë një kontratë të tillë ose për marrjen e ftesës për tenderim. Dhe se, në asnjë rast, autoriteti kontraktues **nuk duhet që të përfshijë, saktësojë ose përdorë kriteret e përzgjedhjes që bazohen në konsiderata të tjera përveç atyre të lejuara nga dispozitat e neneve 65-70 të këtij ligji.** Andaj Paneli Shqyrtues i vë në dijeni AK se në çdo aktivitet duhet të veproj konform dispozitave dhe autorizimeve ligjore siç parashihen ato me nenet 1,6,7, 27,28,51,59,60,65,69,70 të LPP.

Kryetarja e OSHP-së, duke u bazuar në atë që u tha si më lartë, vendosi si në dispozitiv të këtij vendimi.



Vjosa Gradinaj
Kryetare e OSHP-së

Këshillë juridike:

Kundër këtij vendimi nuk është e lejuar ankesa, por pala e pakënaqur me kërkesëpadi mund t'i drejtohet Gjykatës Komerciale - Departamentit për çështje Administrative për anulim vendimi në afat prej 30 ditësh nga data e pranimit të vendimit.

Vendimi t'i dorëzohet:

- **AK - N.P.K. " TRAFIKU URBAN " SH.A.**
- **OE - " HIDRO" SH.P.K.**
- Arkivës së OSHP-së: